



SETIAUSAHA

Secretary

SURUHANJAYA PERKHIDMATAN PELAJARAN

Education Service Commission

ARAS 3, BLOK B3

KOMPLEKS JABATAN PERDANA MENTERI

PUSAT PENTADBIRAN KERAJAAN PERSEKUTUAN

62526 PUTRAJAYA

Telefon : 03-8871 7334

03-8871 7333

Faks : 03-8871 7497

Web : <http://www.spp.gov.my>

Ruj. Kami : SPP(S).100-1/6/1 (7)
Tarikh : 4 Julai 2018

SEPERTI SENARAI EDARAN

YBhg. Datuk/ Dato'/ Dr./ Tuan/ Puan,

PERINGATAN PEMATUHAN PELAKSANAAN PERATURAN PENGENDALIAN LAPORAN PEMERIKSAAN KESIHATAN OLEH KETUA JABATAN BAGI MAKSDUD PELANTIKAN KE DALAM PERKHIDMATAN PENDIDIKAN

Dengan segala hormatnya saya merujuk kepada perkara di atas.

2. Suruhanjaya ini melalui **Pekeliling Suruhanjaya Perkhidmatan Pelajaran Bilangan 2 Tahun 2017 ‘Pelaksanaan Peraturan Pengendalian Laporan Pemeriksaan Kesihatan Oleh Ketua Jabatan Bagi Maksud Pelantikan Ke Dalam Perkhidmatan Pendidikan’** yang berkuat kuasa pada 14 Ogos 2017 telah menetapkan bahawa Ketua Jabatan hanya boleh menerima calon Anggota Perkhidmatan Pendidikan (APP) melapor diri bertugas sekiranya calon tersebut mengemukakan laporan pemeriksaan kesihatan dan diperakui sihat untuk berkhidmat oleh pengamal perubatan berdaftar. Perkara ini telah dinyatakan dengan jelas pada **perenggan 6 dan 7 Pekeliling** berkaitan seperti berikut:

- i. **Menentukan calon yang melapor diri mengemukakan laporan pemeriksaan kesihatan dan seterusnya menyemak laporan berkenaan. Calon boleh dibenarkan melapor diri bertugas jika laporan tersebut mengesahkan beliau sihat untuk berkhidmat oleh pengamal perubatan berdaftar;**
- ii. **Menangguhkan calon daripada melapor diri bertugas sekiranya calon tidak mengemukakan laporan pemeriksaan kesihatan atau mengemukakan laporan pemeriksaan kesihatan yang tidak lengkap pada tarikh lapor diri. Calon diberikan tempoh tujuh (7) hari untuk mengemukakan laporan pemeriksaan kesihatan tersebut bagi membolehkan beliau melapor diri bertugas dan sekiranya gagal, tawaran pelantikan calon adalah terbatal dengan sendirinya;**

- iii. Menangguhkan calon dari melapor diri bertugas sekiranya calon disahkan menghidap masalah kesihatan tetapi boleh dipertimbangkan untuk dilantik oleh pengamal perubatan berdaftar dan hanya boleh melapor diri setelah mendapat kelulusan Suruhanjaya; dan
- iv. Tidak boleh menerima calon melapor diri bertugas sekiranya calon disahkan menghidap masalah kesihatan yang tidak terkawal (severe) dan tidak disokong untuk dilantik oleh pengamal perubatan berdaftar.

3. Walau bagaimanapun, pemerhatian Suruhanjaya mendapati bahawa masih terdapat **Ketua Jabatan yang menerima calon APP melapor diri bertugas** walaupun tidak mengemukakan laporan kesihatan atau laporan kesihatan yang dikemukakan menunjukkan calon menghidap masalah kesihatan. Keadaan ini menyukarkan Suruhanjaya semasa mempertimbangkan urusan Pengesahan Pelantikan Tetap calon APP yang berkaitan dan menimbulkan perasaan tidak puas hati kepada calon yang dibatalkan pelantikan mereka.

4. Sehubungan itu, Suruhanjaya ingin mengingatkan semua Ketua Jabatan agar mematuhi peraturan seperti yang ditetapkan dalam **Pekeliling Suruhanjaya Perkhidmatan Pelajaran Bilangan 2 Tahun 2017** supaya urusan pelantikan dapat dilaksanakan secara teratur.

Sekian, terima kasih.

“BERKHIDMAT UNTUK NEGARA”

(DATUK ABU BAKAR BIN IDRIS)

SENARAI EDARAN

Ketua Setiausaha Kementerian Pendidikan Malaysia

Ketua Pengarah Pelajaran Malaysia

Rektor Institut Pendidikan Guru Malaysia

Ketua Pengarah Pendidikan Tinggi, Jabatan Pendidikan Tinggi, Kementerian Pendidikan Malaysia (Pendidikan Tinggi)

Ketua Pengarah Jabatan Pendidikan Politeknik dan Kolej Komuniti, Kementerian Pendidikan Malaysia (Pendidikan Tinggi)

Pengarah Lembaga Peperiksaan Malaysia, Kementerian Pendidikan Malaysia

Pengarah Institut Aminuddin Baki, Kementerian Pendidikan Malaysia

Semua Pengarah Pendidikan Negeri

Semua Pegawai Pendidikan Daerah

Semua Pengarah Politeknik/ Kolej Komuniti/ Kolej Matrikulasi